

در سعادته ياب عالی جاده سنده
اداره مخصوصه

محل اداره :

مسئله قلمی

۱۳۲۶

خطار :

سلکمه موافق آثار جدید مع المنوبه
قبول اولنور
درج ابدلین آثار اعاده اولنور

دین، فلسفه، علوم، حقوق، ادبیاتدن و سیاسیاتدن وبالخاصه کړک سیاسی و کړک اجتماعی و مدنی احوال و شئون اسلامیهدن
بحث ایدر وهفته ده بردفعه نشر اولنور.

صاحب و مؤسسلری :
ابوالعلا زین العابدین — ح. اشرف ادیب

سنه لکی	التی آیلنی	غروش
۸۰	۴۰	»
۸۰	۴۰	»

تاریخ تأسیسی
۱۰ تموز ۳۲۴

در سعادته نسخه سی ۵۰ پاره در

قبرله دن مقوا بورو ایله کوندریلیرسه سنوی
۲۰ غروش فضله آلنیر

در سعادته پوسته ایله کوندریلیرسه ولایات بدلی اخذ اولنور

ایکینچی جلد

۱۷ شعبان ۳۲۷ پنجشنبه ۲۰ اغستوس ۳۲۵

عدد : ۵۲

وحدت اسلامیه

واطیعوا الله ورسوله ولا تنازعوا فتفشلوا وتذهب ریحکم

حکومت اسلامییه بر زمانلر طولاً تامغرب اقتصادن چین
حدودنده کی طونکنین ایالتنه، عرضاً شمالده کی قازاندن باشلایه رق
خط استوانک آلتنده کی سرندیبه قدر امتداد ایدن قوجه بر عالمی
سایه حمایه سنه آلمش ایدی. بو واسع حدودک داخلنده کی قطعهلر،
مملکتلر بوتون مسلمانلرله مسکون ایدی. مسلمانلرک بورالرده هر
درلو تغلبدن آسوده برسلطنتلری، بر شوکتلری واردی. حکومتک
باشنه بویوک بویوک پادشاهلر کچهرک، آز بر پارچه سی استنا ایدلک
شرطیله، بوتون کره ارضی ایستدکلری کی اداره ایدرلردی. عسکر-
لری هیچ بر زمان هزیمت یوزی کورمز، سنجاقلری هیچ بر یرده
طوپراغه سر یلمز، سوزلری هیچ بر کسه طرفندن کری چور-
یلمزدی. متین قلعه لری، مستحکم بر جلری مسلسل طاغلر کی اوموز
اوموزه ویرمش کیدر، اوولر، تپهلر مسلمانلرک ایله یتیشن هر
درلوا کینلرله، آغاچلرله، اورمانلرله، اوتلرله اورتولمش بولونوردی.
اک متین قواعد عمران اوزرینه قورولمش، صوک درجه ده معمور،
صوک درجه ده منتظم اولان شهرلری اهالیسنک صنایعیله، بدایعیله،
یتشدردیکی علماسیله، حکماسیله بوتون دنیایه قارشى اعلان مباهات
ایدردی.

ایشته شرقده ابن سسینا، فارابی، رازی کعبنده، غربده ابن
باجه، ابن رشد، ابن طفیل عیارنده بر چوق حکما یتشدیکی کی بو
ایکی منتها آراسنده کی قطعه لرده حکمت، طب، هیئت، هندسه وسائر

علوم عقلیه ده تبحر ایتمش، رسوخ قازانمش ارباب فندن کچیلیمزدی.
علوم شرعییه کی قاله آلیورز، چونکه اوملنک بتون طبقاتنده تعمیم
ایتمش ایدی.

بر عباسی، خلیفه نك سوزینه قارشى چینک اک بیوک فغفورى بویون
اکر، اوروپانک اک بیوک ایمپراطوری تیتزدی. قرون وسطی ده
محمود غزنوی، ملک شاه سلجوقی، صلاح الدین ایوبی، شرقده تیمورلنک
غربده فاتح سلطان محمد، سلطان سلیم، سلطان سلیمان کی پادشاهلر
یتشمشدرکه بو کون بو آدملر ماضییه قارشى شمش اولماقله برابر زمان
ابدیاً اولنلرک خاطره سی، اولنلرک آثارینی محو ایدمه میه جکدر.

مسلمان دونماسنک آق دکزده، بحر احمرده، بحر محیط هندیده
هر درلو رقابتدن مصون بر سطوتی واردی که یقین زمانلره قدر دوام
ایتشیدی. دیناً کندیلیرینه مخالفتده بولنلر قوتلیرینه قارشى منقاد
اولدقلری کی حضور فضیلتلرنده ده حرمته مجبور ایدی.

بوکونکی مسلمانلرینه اومسلمانلردر، اوطوردقلری مملکتلر
بالارندن قالانینه اومملکتلردر. عددلری ایکوز میلیوندن اشاغی
دکل. [بومقدار اوزمانکی ایستانتیقلره کوره تعیین ایدلمش ایدی.
بوکون مسلمانلرک اوچیوز میلیوندن فضله اولدینی محققدر.] بوملنک
افرادى قلملرند کولکشمش اولان عقائد دینه لری ایجابجه مجاور
بولندقلری اقوامدن ده اشجیع، اولومه قارشى کیتمک خصوصنده
دها سریع اولدقدن باشقه حیاتی استخفاف ایتک، حیاتک باطل بر
یغین آلیشنه اهمیت ویرمامک کی مزیتلرده هر کسدن ایلریده در.
الرنده کی قرآن عقائدی برهان مقابله ده قبول ایتک ایچون محکم
برچوق آیات ایله آمر اولدینی کی ظنونه قایلانلری، اوهامه تبعیت

ایدنلری تزییف ایلمکده، بوتون ملتی فضائل اخلاقه، صفات کریمه یه دعوت ایتمکدهدر. بناء علیه مسلمانلر دینارنده کی متین اساسلر اعتباریه ال منور الفکر، ال اویانیق، کلمات انسانیه ال مستعد، استقامت اخلاقه ال قریب بر ملتدر. صکره نفسارنده شان و شرفه براختصاص کوردکارندن و بتون عالمک فوقده بر مقام رفیعہ یوکسله جکاری الارنده کی کتاب مینک مواعد صادق سندن اولدیغندن باشقلرینک نفوذی الله کیرمه قطعاً راضی اوله مازلر. بویله بر نفوذ اجنبی یه انقیاد ایتک هیچ برینک خیالندن کچمز؛ ایسترسه او نفوذ صوک درجه شدید یاخود صوک درجهده خفیف اولسون. بوندن بشقه عقائدباغی بتون مسلمانلری براخت و داخلنده صیم صیتی برلشدردیکی ایچون هر فرد کندی ملتته منسوب بر طائفه نك اجانبک بیوندیری الله کچمسنی کندی ایچون بر سقوط، کندی ایچون بر اسارت صورتده تلقی ایدر.

دین سایه سنده نائل اولدقلری معارفک نفسارنده رسوخ بولمی، شان و شوکتلرینک زمان شبابنده علوم و فنوندن نصیباری غایت یوکسل اولمی سببیه مسلمانلر کندیلرینی قابلیت علم خصوصنده بتون اقوامدن ایلریده کوریرلر.

لکن بتون بو حقایقه رغماً مسلمانلر توقف ایتدیلر. دها طوغریسی بر زمانلر عالمک استادی ایکن بوکون معارفده، صنایعده بتون اقوامدن کری قالدیلر. مملکتلری پارچه لنگه، اجنبیلرک الله دوشمهک باشلادی. حال بوکه کندیلرینه مخالف اولان اقوامک نفوذینه عرض انقیاد ایتمه مک دینلری مقتضاسی، دها طوغریسی اجانبک اسارتی سبکوب آتمق، بو خصوصده هر سطوته، هر شوکته قارشى دورمق دینلرینک ال بیوک رکئی ایدی. [دنیا ده موجود امترک، دولترک هپسی ایسترکه بتون عالم دینده، جنسیتده کندینه تابع اولسون. بز بویله بر حرکتده بولنیورز؛ اوروپالیر هم بو مقصدی تعقیب ایدیورلر، هم ده صکره بونی تعصب صایه رق بزه اسناد ایدیورلر. حال بوکه مذموم اولان بر تعصب وارسه اوده مخالف دینده بولنانلرک حقوقی باعمال ایتک، یاخود اولره اذاده بولمق، یاخود اولری تبدیل دینسه اجبار ایلمکدر. مسلمانلق بونلرک کافه سنی منع ایتشدیر.]

عجبا مسلمانلر عباد صالحینک ارضه وارث اوله جنی حقنده کی وعدالهی پی می اونوتدیلر؟ یاخود شؤن اسلامیه نك کونک برنده بتون شؤن عالمه غالب اوله جغندن غافل می اولدیلر؟ یاخود جناب حنک اعلای کله سی اوغرنده جنته مقابل ماللرینی، جانلرینی صائدقلرندن ذهولمی ایتدیلر؟ خایر خایر. عقائد اسلامیه قلوب مسلمینه حالامک ایتمکده، حالا اراداته حاکم اولمقدهدر. عقائد دینی و فضائل شرعیه نظرندن عوامده، خواص ده حالا بردر. اوت علوم و فنونه قارشى بوتقصیر، اکتساب قوت خصوصنده کی بوقنور بر طاقم اسبابدن نشأت ایدیورکه ال بیوک حکومته طالب اولانلر آره سنده کی اختلافدر. بالذمات سویلمش ایدک که مسلمانلر ده دیندن بشقه جنسیت

یوقدر. بناء علیه مسلمانلر حاکم اولان اشخاصک تعددی بر قبیلده کی رئیسارک، بر قومده کی سلطانلرک تعددی دیمکدر. هر برینک مقصدی هر برینک غایه حرکتی باشقه باشقه اولان بورئیسار، بو سلطانلر زیر اداره لرنده بولنان خلقی بر برینه خصم کوستره رک صوکره بر برینه غلبه چاللق ایچون وسائل حاضر لامقله مشغول ایدرلر. بر قسم دیگرینی مقهور ایدر. منازعات داخلیه یه یه بکزه یین بو محاربه لر علوم و فنونک ترقیسی شویله طورسون، مسلمانلرک و قتيله احراز ایتدیلرکی نصیبه عرفاندن بیله ذهولنی ایجاب ایدر. نهایت شومیدانده کی ضرورتلر، احتیاجلر حادث اولور. دها صوکره قوته ضعف، انتظامه خلل کلیر، وحدت تفرقه یه گرفتار اولور. امرا بر طرفدن، آحاد دیگر طرفدن بر برلیله اوغراشیرلرکن بیانیجیلرک تعرضندن کیمسه نك خبری بیله اولمز.

ایشته محاربه میدانلرینی کسوب آلمش، قارشیلرینه طوره حق هیچ بر رقیب بر اقامش اولدقلری بر زمانده مسلمان امراسنک یوزندن ملت بویله ضررلره اوغرا دی. صوکره لری بو امرانک قابیلرنده حرص، طمع ایچه کولکشیدیکی ایچون آرتق هوا وهوس آدماری اولدیلر. اصل بر غایه مجد و شرفه طوغرو کیدن یوللری بوسبوتون براقهرق امارتک یالکز اسمیه، سلطنتک یالکز القابیه قناعت ایتیه و بو بهوده عنوانلرک ایجاب ایتدیکی سطحی نمایشلر، اسرافلر، نازونعیملر ایچنده یاشامیه باشلادیلر. بونکله ده قالمایه رق الارنده کی فرسوده متاعک، بقاسز نعمتک دوامی ایچون دیانت، جنسیت خصوصنده مخالفلری بولنان اجنبیلره دخالت ایتدیلر ده اولری کندی ملتیرینه قارشى سلاح کبی قوللانمایه قالدیشیلر.

ایشته اندلس مسلمانلرینی عوایدن، تیمورلنک هندده کی سلطنتی کوکندن یقه رق و انقراض اوزرینه انکایزلره بنای حکومت قوردوران بولردر. بوتون ممالک اسلامیه بریغین سفیهک هوساتنه باز یچه اولدی، اولرک بر سوری باطل امللری قوجه بر عالمی ضعف، مسکنت اوچورومارینه طوغرو سوروکلدی. بونلرک یامش اولدقلری فنالق نه بویوکدر!

یالکز نفسانی اذواقی دوشون، یالکز هوساتیه مشغول اولان بوسفیهلر ملتک رابطه جامعه سنی قیره رق جمیتی تفرقه لره دوشوردیلر؛ علوم و فنونک سیرینی توقف ایتدیلر؛ صناعت، تجارت، زراعت کبی امور نافعده فترت حصوله کتیدیلر. لکن الله دنیا یه حرصک، منافع خسیسه یه تهالکک بلاسنی ویرسون! بو حرصک، بوتها لکک نه بویوک ضررلرینی چکمکده، نه یامان عاقبتلرینی کورمکده یز!

حریفلر کلام الاهی آرقیه آتدیلر، ال بویوک فرائضدن اولان بر فرضی انکار ایتدیلر؛ دشمن مملکتلرینک قوسنده بکیوب طورورکن کندی آرملرنده اختلافه باشلادیلر. حال بوکه ال برلکیله اومشترک دشمنی دفع ایتک ایچون آرملرنده کی هر درلو اسباب نزاعی براقهرق اتحاد ایلملری ایجاب ایدیوردی.

عجبا حرص و طمعده بوقدر ایلری کیتملری، بر طاقم امور خسیسه ده

چالیشیر. مأمولدرکه بوجهان تفرقه یی وحدته سوق ایدہ جک صیحه
اک شوکتلی، اک قوتلی قطعہ نک سینہ غیرتدن فوران ایدر.
شبهه ایتیزکه بویله مقدس، بویله مبارک برایشده علمای عاملینک
پک بیوک معاوتی، پک بیوک همتی اولور. واللہ یهدی من یشاء ولله
الامر من قبل ومن بعد.

مصر مفتیسی مرحوم شیخ محمد عبده

مترجمی: محمد عاکف

رایت شقاوت

— کریدده —

سن اوپله فخر و مسرتله شیمدی چیرینما!
اوبوم کولکسی فرض ایت که برزمان قالسین،
باشنده مغفر خونین، آئنده سیف و غا
تجسم ایله یی ارواحندن ده قورقارسک.

اولورمی مشهد اجداده سایه ریز ظفر
اوبزکه برچته نک رایت شقاوتیدر،
اوبزکه معرکله شاهد خجالتیدر،
خرافه لر کییدر عنعناتی سرتاسر.

دیوب «خیال ایله پک اوغراشان اولور مجنون»
کولر بوجراته عقل سلیم افلاطون.
دوکوب اوزاقلره لعین ظلال دورادور

اولیمپه رعشه ویررکن بزم هلال وقور
دوشونده عجزیکی آرتق هلاله قارشی ایکیل،
بوشانی افقه یاقیشمازسک ای پاچاور اچکیل!

ابراهیم علاءالدین

۹ اغستوس ۳۲۵

کتاب کلامیه نک احتیاجات عصره کوره اصلاح و تألیفی

بین المسلمین مذاهب مختلفه نک توحیدی

مدرسه لوده تدریساتک اصلاحی

محرری
ح. اشرف ادیب

مقرری
موسی کاظم

صدر اسلامده بالکنز احادیث و آیاتک معانی ظاهره سیله
اکتفا اولئوردی. بالخاصه پیغمبر زماننده هرکس شبهه ایتدیکی
مسئله یی بالذات حضرت رسوله صوراره حل ایدردی. کتاب یازمغه؛

بربریه مسابقیه قالدیشمه لر کندیلری ایچون نه فائده یی موجب
اولدی؟ اوت اولانجه فائده دنیاده بولندجه عمره سورن برحسرتدن
اولدکن صوکرده ابدی برخسران ایله سرمدی بر ندامتدن، برده
آرقه ده قالدیه هیج برزمان صحیفه ایامدن سیلنمیه جک برسوه شهرتدن
عبارت!

حقک عزتته، عدلاک عظمتته یمن ایدرم که مسلمانلر کندی حالته
براقیسه وحدته سائق اولان عقائد صحیحله ایچلرنده کی علمای
عاملینک ارشاداتی سایه سنده روحلری آز زمان ظرفنده بربرینه
قاینار، آحادملت پک چابوق دائرة اتلافه کیرر. لیکن یازقلر اولسون که
ایچلرینه بتون سمادتی امیر یاخود ملک عنواننده آرایان بومفسدله
کیردی! اوت حزیفله امیر یاخود ملک نامی آلسونلرده ایسترسه
امرو نهیک محل تطبیقی اولمیان برکویه امیر اولسونلر...

ایشته مسلمانلرک یوزینی مەکوس برقبه یه چویرن، ملوکه، خلفایه
قارشی خروج ایدن بوسفهای امتدرکه ماتی بو حاله کتیردی؛ کیمسه
کیمسه یی طائیفه، اوج کشی عینی غایته توجیه حرکت ایدمه اولدی.
دائماً اتفاق اوزره بولمق، حکومت اسلامی یی تأیید ایچون
تعاوندر آیرلامق دیانت محمدیه نک الکتین رکیندر، بو عقیده مسلمانلرجه
اوعقائد اولیه جمله سنددر که هرکس بیلیر؛ کیمسه نه بر خواهجه دن
صورمایه، نه برکتابدن آرامایه حاجت کورمز.

ملت اسلامیه نک بو کونکی حالی آریاب حمیته قان آغلادیور. آرده
اوصافی صایدیمز سفهای امرا اولماسه یدی، شرقده کی مسلمان
غربده کی دینداشبله، شمالده کی جنوبده کی ایله برلشهرک عمومی بردن
عینی ندای دعوت «لیک!» دیر قوشاردی.

مسلمانلر حقوقلری صیانت ایچون انتباهدن باشقه برشیته محتاج
دکدر. اوت افکار اویانمکی که هرکس ملتک حقوقی فصل مدافعه
اولنه جغنی بیلسین؛ بومقصدی تأمین ایچون ایجابنده اخوان دینله
برلکده قیام ایتسین؛ ملتک باشنه کلن فلاکتلرک تفرقه دن، تشتت دن
اولدیغی ایجه ده اکلا سینده رابطه قدیمی تأیید اوکا کوره چالیشسین.
زمان آرتق تفرقه زمانی دکدر؛ اتفاق زمانیدر، وحدت زمانیدر،
الکزه کن فرصتلری فوت ایتیکز، اغتنام ایدیکز. ماتم اولوی
دیر یلتمز؛ اسف کچمشی کری کتیرمز؛ کدر مصیبتی دفع ایتمز. سلامتک
مفتاحی وارسه یوقسه ایشدر. خلاصه یوکسلمک ایچون طوغرولقدن
حسن نیتدن باشقه مردیون یوقدر. قورقو هلاکی تعجیلدن باشقه بر
ایشه یاراماز. یأس، همتسزلک اسباب هلاکندر.

«وقل اعملوا فسیری الله عملکم ورسوله والمؤمنون ثم تردون
الی عالم الغیب والشهادة فینبئکم بما کنتم تعملون». صاقین «اقعدو مع
القاعدین» خطابنه مخاطب اولمیکز! «رضوا بأن یكونوا مع الخوالف
وطبع الله علی قلوبهم فهم لا یفقهون» فرقه سنه کیرمکدن صاقینکز.

قرآن اولمه مشدر، ابدی برحیاته مظهردر. اوکا مراجعت ایدک، اونی
حکم اتخاذا ایلک. مأمولدرکه امرای مسلمین کندیلرندن اول کچنلرک
حالندن عبرت الیرده چاره لر بوسوتون منقطع اولمادن مافاتی تلافیه